

avaloracion diagnostica educacion primària

competència comunicativa: aranés

comprenença orau e comprenença lectora

Nòm e cognòms

Grop

instruccions

Aguesta pròva a dues parts:

- **Ena prumèra part**, as d'**escotar** un tèxte e respóner a ues qüestions sus aquerò qu'as entenut.
- **Ena segona part**, as de **liéger** atentivament dus tèxtes e respóner a ues qüestions sus aquerò qu'as liejut.

Quauqu'ues des qüestions les auràs de respóner marcant damb ua **X** era responsa corrècta. Sonque i a ua responsa corrècta entà cada qüestion. Se t'enganches, raia era responsa enganhada e marca clarament era naua responsa.

I a d'autres qüestions a on tu auràs d'escriuer era responsa.





Deu èster polida era tranquillitat!



En prumèr lòc, escotaràs es qüestions qu'auràs de respóner mès tard.

A continuacion, escotaràs eth tèxte dus viatges. Eth prumèr ei entà respóner as qüestions e eth segon entà revisar es tues responses.

1 Qué hège Pau quan era professora explicaue?

- Se distrège.
- La escotaue.
- Hège es exercicis.
- Parlaue damb es companhs.

2 Era mair de Pau ère...

- poèta.
- pianista.
- cantaira.
- professora.

0-1

0-1

Comprenença orau



3 Qué hège eth papagai quan auien visita?

- Carauè.
- Cantauè.
- Recitauè.
- Saludaue.

0-1

4 Qué passaue cada tarde en casa de Pau?

- I auie un combat enòrme.
- Charrauen tranquillament.
- Sonque i èren eth gat, eth can e eth papagai.
- Era mair-sénher cantauè e eth pair-sénher tocaue eth piano.

0-1

5 Qué ère aquerò que Pau non auie e li agradarie auer?


.....

0-1



Lieg aquest tèxte damb atencion e despús respon as qüestions.

Me digui Bruna



Me digui Bruna e sò ua mosca de ciutat. Eth mèn nòm científic ei *Musca domestica*, que vò díder mosca des cases. Tostemp cerqui bon minjar: lordèra, pastissi, confitura... Mmm! Que boooon!

Demori en un edifici de pisi damb terrassa.

Quan è de besonh experiéncias fòrtes entri e casa des Piqué, a on tostemp i a mainatges que me'n hèn a passar bèra ua de bona. Son tres frairs e les agrade jogar damb es mosques. Un dia me pintèren de vermelh, un aute dia me volien domesticar...Uf! Sòrt que m'escapè.

Aué, a çò des Piqué, Ramon e es dus bessons, Pèp e Pòl, guardauen era tele. Non me n'an hèt cap de cas. Alavetz è començat a hèr torns dessús dera pantalha. Ath cap d'ua estona enteni a Ramon:

—Òsca! Quina mosca tan pesada!

S'a lheuath e m'a espantat damb era man, mès jo m'è tornat a méter dessús dera pantalha. Eth m'a espantat quauqui còps... enquia que... zap!, m'a caçat damb era man e a exclamat:

—È ua idea!

E es bessons:

—Visca! Visca!

Quan a daurit era man, m'è trobat laguens d'un pòt de veire, nadant en un liquid escuro. En pòt i auie tinta nera! De seguida èra ben lorda. Alavetz, Ramon m'a deishat gèsser e è començat a volar pera casa.

Es ales, banhades de tinta, me pesauen com un plom, e per aquerò m'auia d'arturar soent.

Comprenença lectora: tèxte 1



Anaua deishant taques neres enes parets, dessús dera taula deth minjador e enes cortines. Quan ja non deishaua cap de traça, me tornauen a méter laguens deth tintèr e tornem-i! M'è divertit de vertat. Enquia qu'a arribat sa pair:

—Qué son aquestes raies ena paret? —volie díder es taques de tinta.

Jo m'è escapat pera hièstra dera codina.

Quan era mia amiga Flàvia, era abelha, m'a vist, m'a dit:

—E tà on vas tan nera, Bruna?

—Ei tinta. M'è hèt escrivana. Non è hèt qu'escríuer tota era tarde, per aquerò vau lorda de tinta.

Flàvia se m'a guardat e a esclatat a arrir.



Maria Enrich, *La Bruna i el bloc B* (tèxte tradusit e adaptat)

Comprenença lectora: tèxte 1



1 Quin tipe de mosca ei Bruna?

.....

2 A Bruna li agrade entrar a çò des Piqué perque...

- es tres frairs jòguen damb era.
- a ua terrassa ben grana.
- tostemp an pastissi.
- la vòlen domesticar

3 Bruna ditz qu'es frairs Piqué tostemp li'n hèn a passar bèra ua de bona. Aquerò vò díder que...

- la cueden com a ua bèstia de companhia.
- li hèn pegueries qu'ada era li agraden.
- li dan bon minjar.
- la hèn a temptar.

4 Qué hè Bruna entà cridar era atencion des tres mainatges?

- Observar-les.
- Minjar-se era confitura.
- Pintar-se es ales de vermelh.
- Hèr torns deuant deth televisor.

0-1

0-1

0-1

0-1

Comprenença lectora: tèxte 1



5 Quin des tres frairs a era idea sus qué hèr damb era mosca?

.....

0-1

6 Quan es mainatges atrapen ara mosca, a on la hiquen?

.....

0-1

7 A Bruna, es ales li pesauen com eth plom perque...

- hège molta calor.
- auie minjat massa.
- èren banhades de tinta.
- ère cansada de volar tà naut e tà baish.

0-1

8 Aquest tèxte explique...

- es aventures d'ua mosca.
- era amistat entre Bruna e Flàvia.
- es caracteristiques des mosques.
- qué s'a de hèr tà non auer mosques en casa.

0-1



Lieg aquest aute tèxte damb atencion e despús respon as qüestions.

Un titàs originau!

Qué ei? Ua mosca? Ua eruga? Ua parpalhòla? Ua aranha? Tiòc, tiòc, ei totes aqueres bestiòles en ua!




Se t'agrade fabricar es tòns pròpris titassi, aciu as quauques idees entà hèr-ne un de ben curiós.

PAUTES D'ARANHA

Pòs hèr es pautes d'aranha damb sies michons longui qu' ages per casa. Les aumplisses damb teles e les coses a ua samarreta. Tres per un costat, tres per aute, mès es tòns dus braci son ueit pautes!

ANTENES DE PARPALHÒLA

Damb un hiu de hèr, ues boletes de plastilina e ua diadèma, guarda quines antenes de parpalhòla te pòs construir!



CÒS D'ERUGA

Entà fabricar un còs d'eruga pòs hèr a servir un sac de dromir vielh. I as de hèr uns horats entà meter-i es pès e poder caminar, e enganchar-lo ath còs damb uns tirants. T'agrade?

UELHS DE MOSCA

Entà hèr uns uelhs de mosca, pren un parelh de coladers de metau e met-te-les enes uelhs coma se siguessen ues lunetes. Cau enganchar es dues esfères damb ua goma. Despús, dobla eth mange de cada colader e estaca-les damb ua cinta per darrèr deth cap. E qu'ei geniau?

Súpers!, núm. 73, gèr 2016 (tèxte adaptat)



1 Quini insèctes son representadi en aquest titàs?

.....

2 Es pautes d'aranha s'an de hèr damb...

- uns hius de hèr.
- uns michons.
- ues gomes.
- ues cintes.

3 Com se pòden tier es antenes de parpalhòla en cap?

- Enganchant-les damb plastilina.
- Cosent-les a ua samarreta.
- Estacant-les a ua diadèma.
- Aumplint-les damb teles.

4 Es dus coladers servissen entà hèr...

- es antenes.
- es coetes.
- es pautes.
- es uelhs.

0-1

0-1

0-1

0-1



5 Cau uns tirants entàs tier...

- es michons.
- es coladers.
- es hius de hèr.
- eth sac de dromir.

6 I a un diboish deth titàs...

- entà que se comprene milhor com a d'èster.
- entà que sigue mès divertit liéger eth tèxte.
- perque toti es tèxtes an d'auer un diboish.
- perque atau ei mès polit.

7 Aguest titàs ei adequat...

- entà quinsevolh que se volgue disfressar.
- sonque entà mainatges e mainades.
- entà anar a caçar parpalhòles.
- entà gent pòc originau.

0-1

0-1

0-1